



# Secziun da catschadurs Bostg

Andiast | Pigniu | Vuorz | Siat | Rueun

## Protocol dalla radunonza da primavera dils 7 da matg 2026 allas 20:00, Andiast

### suprastonza

Janic Schlosser, president

Marco Tschuor, actuar

Sandro Derungs, cassier

Paul Cahenzli, surveglader da tir e material

Remo Alig, cau da tgira

presents: 28

perstgisas: 10

### tractandas

1. Beinvegni
2. Appel ed elecziun da dus dumbravuschs
3. Approbaziun dalla gliesta da tractandas
4. Approbaziun dil protocol dalla radunonza generala dils 6 da fevrer 2026
5. Conclus per las propostas inoltradas per mauns dalla radunonza da delegai a Mustér (mira catschadur grischun)
6. Informaziuns dallas dumbraziuns da selvaschinas / primavera 2026 (Samuel Caviezel)
7. Informaziuns catscha speciala – sesida cun District II Glogn
8. Orientaziun menaschi da tir 2026 Pardiala
9. Varia

tractandas / conclus / discussiun	responsabel
<p><b>1. Beinvegni</b> Janic fa a tuts presents in cordial beinvegni. In special beinvegni fa el al commember d'honor Gion Fidel Spescha ed al niev guardia selvaschina Samuel Caviezel. Igl atun vargau ha Robert Sgier e la davosa dumengia Bruno Tomaschett bandunau la veta terestra. Il president supplichescha per in mument da silenzi.</p>	J. Schlosser
<p><b>2. Appel ed elecziun da dus dumbravuschs</b> Sco dumbravuschs vegnan Conradin Tuor ed Elias Casanova elegi. Per igl appel curescha ina gliesta.</p>	J. Schlosser

<p><b>3. Approbaziun dalla gliesta da tractandas</b> La gliesta da tractandas vegn approbada unanimamein.</p>	J. Schlosser
<p><b>4. Approbaziun dil protocol dalla radunonza generala dils 6 da fevrer 2026</b> Il protocol vegn approbaus unanimamein.</p>	J. Schlosser
<p><b>5. Conclus per las propostas inoltradas per mauns dalla radunonza da delegai a Mustér (mira catschadur grischun)</b> <i>Alzament contribuziun BKPJV e Catscha Svizra</i> Previu ei d'alzar la contribuziun dil BKPJV per frs. 9 e tala dalla Catscha Svizra per frs. 6. Approbau 23 gie, 5 abstenziuns</p> <p><i>Temps da catscha 2027, varianta 2</i> 3 – 12 da settember, 20 – 30 da settember. Approbau 27 gie, 1 na</p> <p><i>Proposta Secziun da Chatscheders Albris Puntraschigna</i> Tuttas tscharvas, cavreuls, camutschs e pors selvadis sittai sin la catsch'aulta ein da mussar e da schar marcar en in stan frestg alla survigilonza da selvaschina. Refusau 26 gie, 2 abstenziuns</p> <p><i>Elecziuns BKPJV</i> Tenor propostas dil BKPJV. Nagina votaziun</p> <p><i>Proposta Secziun da Chatscheders Fasch'Alba Ftan</i> La proposta dattar il sistem pertuccont la regulaziun dil lufs ei vegnida retratga dalla Secziun da Chatscheders Fasch'Alba Ftan. La radunonza giavischa tuttina da vuschar en caussa. Refusau 11 gie, 4 na, 13 abstenziuns</p>	J. Schlosser
<p><b>6. Informaziuns dallas dumbraziuns da selvaschinas / primavera 2026 (Samuel Caviezel)</b> Samuel Caviezel engrazia per la pusseivladad da saver sepresen- tar. El giavischa ina comunicaziun directa denter las catschadu- ras/ils catschadurs ed igl Uffeci da catscha e pesca. Samuel ei en- traus igl 1. d'avrel 2026 en uffeci e sa ord quels motivs aunc buca dar ina massa sclariments. A caschun dalla dumbraziun dalla prima- vera ei vegniu dumbrau el sectur A15 il suandont: 185 tscharvas 15 cavreuls territori da test Andiastr 105 capricorns Pigniu</p> <p>4 lufs ch'ei vegni traplai a Tischinas ein actual el territori da Con Ault e Ladral.</p>	S. Caviezel
<p><b>7. Informaziuns catscha speciala – sesida cun District II</b> Janic e Remo informeschan detagliadamein sur dallas sesidas dils 8</p>	J. Schlosser R. Alig

<p>e 16 d'avrel 2026. Ils protocols da talas duas sesidas ein vegnidas tarmessas a tuttas commembras e tuts commembers cugl invit alla radunonza da primavera dils 7 da matg 2026. La radunonza dil District II ha votau ch'il cunfin denter il 2.1 e 2.2 vegn sligliaus. La suprastonza dil District II ha tarmess dus scrivers agl Uffeci da catscha e pesca, igl ei giavischau in meisa rodonda cun las secziuns dil district. Tenor informaziuns da Simon Casanova ha tala liug el decuors digl uost 2026.</p>	
<p><b>8. Orientaziun menaschi da tir 2026 Pardiala</b>  Il plan da sittar dil 2026 ei publicaus sin la pagina d'internet. Ei vegn mirau d'anflar in secund cassier, per aschia saver descargar Sino Hunger. La lavur cumina ha liug ils 9 da zercladur 2026. Niev vegn Petra Sgier da Rueun a menar l'ustria.</p>	<p>P. Cahenzli  J. Schlosser</p>
<p><b>9. Varia</b>  <i>Rudh madrazzas</i>  Janic damonda sch'igl ei giavischau d'organisar ina sera da vendita cun la fatschenta. Negin dils presents ei persuerter.</p> <p><i>Guardia selvaschina</i>  Janic informescha che Kevin Caduff da Laax ch'ei vegnius elegius sco guardia selvaschina pil territori dat Arnold Caminada entscheiva sia incumbensa igl 1. da zercladur 2026. Tgi che daventa chef dil District II ei aunc buca decidiu.</p> <p><i>Asils da catscha Valledras e Ladrail</i>  Tenor informaziuns da Remo e Janic ei a caschun dalla radunonza dil District II vegniu proponiu da saver sittar rodund 100-150 m els asils (weiche Grenze). Previu fuss dat aschia saver sittar dapli vacas tscharvas duront la catsch'aulta. Divers votums ord las retschas dils presents ein fetg sceptics ed encunter ina tala avertura. Saver sittar els asils ei gia vegniu fatg avon empau onns, seigi quei egl asil da Valledras, Ladrail, Schmuier e Draus. Il surpli ch'ei vegnius sittaus ei staus minims, igl ei vegniu disfatzg ils plazs da copulaziun ed ils asils ein aunc adina buca serevegni. Sin fundament da quellas experientschas ein 26 dils presents (2 abstenziuns) encunter talas averturas. La Secziun Bostg vegn a tarmetter ton pli spert in scriver agl Uffeci da catscha e pesca per saver sediscuorer en caussa e per mirar d'anflar ensemen meglieras opziuns/propostas.</p> <p>Janic siara la radunonza allas 21:30 ed envida ils presents ad in refrestg el Hotel Ucliva a Vuorz.</p>	<p>tut(ta)s</p>

Rueun, ils 7 da matg 2026

Per la Secziun da catschadurs Bostg

igl actuar

Marco Tschuor